



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XXXII. Decretum contra violatores libertatis Ecclesiasticæ, ac Jurisdictionis
Apostolicæ in Regno Portugalliæ.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Edir. 8. Oct.
1672. An. 3.

constitutæ munitis, eadem prorsus fides in iudicio, quam extra illud habeatur, ipsis quæ præsentibus haberetur si forent exhibitæ, vel ostensa.
Datum Romæ apud S. Mariam Majorem sub Annulo Piscatoris die 8. Octob. 1672. Pontificatus nostri Anno Tertio.

I. G. Slufius.

Registrata in Secretaria Brevium in lib. Mensis Octob. parte utraque fol. 161.

XXXI.

Statutum perpetuum Collegii Germanici, & Ungarici, quod Convictores quicumque in d. Collegium recepti, & quandocumque recipiendi, juramentum de discedendo ab Urbe, ac in Germaniam revertendo statim atque studiorum tempus fuerit absolutum, præstare teneantur.

Edita An.D.
1672.

CLEMENS PAPA X.

Ad perpetuam rei memoriam.

Alumni Collegii Germanici, & Hungarici in ingressu vel paulo post jurant statim in Germaniam reverfuros.

CUM (sicut accepimus) dilecti filii Alumni Collegii Germanici, & Hungarici de Urbe in ipsius Collegii ingressum, sive paulo post, inter alia Juramentum præstare soleant, quod absoluto ibidem studiorum tempore, quando inde dimittentur, ab Urbe statim discessuri, & in Germaniam reverfuri sint. In d. vero Collegium præter Alumnos, etiam recipiuntur nonnulli Convictores, qui Juramentum hujusmodi non præstant, sed peracto studiorum curriculo in Urbe præfata quandoque moram trahunt, & excusso disciplina, quam in eodem Collegio præfato servaverant, jugo, eam morum innocentiam, quam ex Patria attulerant, & in Collegio præfato coluerant, non satis studiose teneant, in animarum suarum perniciem, ipsiusque Collegii existimationis detrimentum.

Convictores hoc Juramentum non præstant.

Motu proprio mandat teneri ad præstandum d. Juramentum de reverfendo in Germaniam statim ac studia absolverint, aut ab ipso Collegio dimittentur.

§. 1. Nos ex commissæ Nobis cælitus Apostolicæ sollicitudinis munere opportunum huic malo remedium quantum cum Domino possumus adhibere cupientes, Motu proprio, ac ex certa scientia, & matura deliberatione Nostri, deque Apostolicæ potestatis plenitudine, ut Convictores quicumque in Collegium præfatum recepti, & quandocumque recipiendi juramentum pariter de discedendo ab Urbe supradicta, ac in Germaniam revertendo, statim atque studiorum cursum ibidem absolverint, seu alias ex ipso Collegio dimittentur, ad instar memoratorum Alumnorum præstare omnino teneantur, tenore præsentium perpetuo statuimus, & ordinamus.

Decretum irritans.

§. 2. Decernentes easdem præsentibus literas semper firmas, validas, & efficaces existere, & fore, suosque integros & plenarios effectus sortiri, & obtinere, ac ab illis, ad quos spectat, & pro tempore & quandocumque spectabit inviolabiliter observari. Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales Collegii præfati Protectores, aliosve quoslibet quacumque præminentia, & potestate fungentes, & functuros sublata eis, & eorum cuilibet aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his à quocumque quavis auctoritate scienter, vel ignoranter contigerit attentari.

Contrarium derogatio.

§. 3. Non obstantibus Constitutionibus, & Ordinationibus Apostolicis, & quatenus opus sit dicti Collegii, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis, illorum tenores præ-

sentibus pro plene, & sufficienter expressis, & insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 16. Octob. 1672. Pontificatus nostri Anno Tertio.

I. S. Slufius.

Registrata in Secretaria in libro Brevium Mensis Octob. parte utraque fol. 133.

Edir. 16. Oct.
1672. An. 3.

Confirmatio, & innovatio Brevis Urbani VIII. contra violatores libertatis, & Immunitatis Ecclesiasticæ, ac Jurisdictionis Apostolicæ in Portugallia &c.

XXXII.

CLEMENS PAPA X.

Ad perpetuam rei memoriam.

Exordium.

EX injuncto nobis divinitus Sacrosancti Apostolatus munere ea, quæ a Romanis Pontificibus prædecessoribus nostris pro tuitione, & defensione Immunitatis, & libertatis Ecclesiasticæ, ac Jurisdictionis Apostolicæ Sedis, ejusque Ministrorum contra temerarios illarum violatores, atque perturbatores provida censita esse dignoscuntur, ut firma semper, atque inviolabilia persistant, Apostolici muniminis nostri præsidio libenter corroboramus.

§. 1. Dudum siquidem fel. rec. Urbanus Papa VIII. prædecessor noster motu proprio, ac certa scientia, & mera deliberatione suis, deque Apostolicæ potestatis plenitudine nonnulla, quæ contra tunc existentem jurum, & expoliorum Cameræ Apostolicæ Debitorum in Portugallia, & Algarbiorum Regnis Collectorem Generalem, ejusque Auditorem, seu Delegatum, Officiales, Ministros, res, & bona, ex Regnorum præfatorum Judicibus Sacularibus, etiam supremis, quocumque nomine, titulo, & prærogativa, & gradu insignibus in certis tunc expressis causis, & earum occasione, quocumque prætextu, vel quæsito colore quomodolibet decreta, mandata, acta, facta, ordinata, & sive scriptis, sive verbis quomodolibet attentata fuerant, quæ omnia, & singula pro expressis haberi voluit, nulla invalida, irrita, & inania, ac nulliter, invalide, inaniter, & de facto contra Sacros Canones, Conciliorum Decreta, & Apostolicas Constitutiones, attentata, & præsumpta esse decrevit, & declaravit.

Urban. VIII. motu proprio irritat, & annullat, quæ a Judicibus Sacularibus etiam supremis Portugallia, & Algarbiorum acta, vel ordinata fuerunt adversus Collectorem Generalem Spoliorum, & Jurum, ejusque Ministros.

§. 2. Et ne imposterum similia præsententur omnibus, & singulis Judicibus Sacularibus etiam Supremis dictorum Regnorum quocumque nomine nuncuparentur, cujuscumque gradus, conditionis, & prærogativæ existent, ne talia, aut similia adversus Immunitatem, & libertatem Ecclesiasticam etiam quocumque prætextu contra Ecclesias, Prælatos, Judices, & personas, res, & bona, ac eorum Jurisdictionem, & auctoritatem, ejusque liberum exercitium quomodolibet committere, aut attentare præsumerent, sub excommunicationis majoris, cujus absolutio Sedi Apostolicæ reservata esset, aliique Ecclesiasticis sententiis, censuris, & privationis quorumcumque Beneficiorum, Pensionum, officiorum, & dignitatum Ecclesiasticarum, ac Militarium, & ordinum quorumcumque, perpetuæque inhabilitatis tam quo ad ipsos delinquentes, seu contumaces, quam quo ad eorum descendentes usque ad eorum quartam generationem, ad illa imposterum quomodolibet obtinenda, necnon amissionis quorumcumque Jurium patronatus, privilegiorum, gratiarum, concessionum, & investiturarum tam emphyteuticarum, quam feudalium eisdem delinquentibus,

Prohibuit eisdem Judicibus ne talia, vel similia attentarent adversus Immunitatem Ecclesiasticam sub poena excommunicationis majoris, cujus absolutio sit reservata S. Sedis, & aliis.

feu

seu contumacibus, suisque ut præfertur usque ad quartum gradum descendentibus quocumque titulo Apostolico, aut alio Ecclesiastico quomodolibet tunc, pro tempore competentium, & acquiendorum, pœnis ipso facto absque ulla declaratione incurrendis, interdixit, & prohibuit, & alias prout in ipsius Urbani prædecessoris literis desuper in simili forma Brevis expeditis uberius continetur, tenoris, qui sequitur videlicet.

§. 3. Urbanus Papa VIII. ad perpetuam rei memoriam. Ad audientiam Apostolatus nostri non sine iusto, & gravi cordis dolore pervenit, quod procedente nuper in diversis Causis Ecclesiasticis in Civitate Ulyssiponen. sui muneris auctoritate dilecto filio Magistro Joanne Baptista Pallotto in utraque Signatura Referendario, Jurium, & Spoliarum Camera Apostolicæ debitorum in Portugaliæ, & Algarbiorum Regnis Collectore Generali, seu ejus auditore uti Judice Delegato, cum pars altera ad Judices Sæculares temere recursum habuisset, Judices hujusmodi, & postmodum alii pariter Sæculares non solum contra Auditorem prædictum, sed etiam contra eundem Joannem Baptistam Collectorem occasione dictarum Causarum suis injustis, & invalidis Decretis, ac mandatis contra Immunitatem, & libertatem Ecclesiasticam attentatis, Jurisdictionem pariter Ecclesiasticam, & S. Sedis Apostolicæ Officialium violando, impediendo, & perturbando procedere præsumperunt, & ad quædam eidem Ecclesiasticæ libertati, & immunitati, ac ipsius Joannis Baptistæ Collectoris auctoritati maxime adversantia deveniunt, per quæ inter alia decreverunt, ut dictus Auditor caperetur, e Regnis prædictis expelleretur, ipsiusque bona, & temporalitates sequestrarentur: unde in eorumdem decretorum, seu alicujus eorum executionem satellites Domum ipsius Joannis Baptistæ Collectoris (ipsius salutaribus monitis temere contemptis) ingressi sunt, Sententias excommunicationis, & alias Ecclesiasticas Censuras, & pœnas gravi cum scandalo totius Civitatis, ac Divinæ Majestatis offensa graviore incurrendo.

§. 4. Quamobrem nos, qui in Sede B. Petri, quamquam immeriti a D. positi sumus, ne excessus hujusmodi, ac Ecclesiasticæ libertatis, & immunitatis tam enormis violatio dissimuletur, ac transeat in exemplum pro nostro Pastoralis Officii debito providere, & malorum graviorum segetem, & radicem, quantum à Deo permittitur, nostra auctoritate Apostolica evellere volentes, Motu proprio non ad alicujus super hoc oblatæ petitionis instantiam, sed ex certa scientia, ac mera deliberatione nostris, deque Apostolicæ potestatis plenitudine, omnia, & singula præmissa à prædictis dd. Regnorum Judicibus Sæcularibus, etiam supremis quocumque nomine, titulo, & prærogativa, ac gradu insignitis in Causis prædictis, & earum occasione contra dictum Joannem Baptistam Collectorem, ejusque Auditorem, seu delegatum, Officiales, Ministros, Familiares, res, bona, quocumque prætextu, vel quæsito colore quomodolibet decreta, acta, facta, ordinata, & sive scriptis, sive verbis quomodolibet attentata, quæ omnia, & singula presentibus haberi volumus pro expressis, nulla, invalida, irrita, & inania, ac nulliter, invalide, inaniter, & de facto contra Sacros Canones, Conciliorum Decreta, & Constitutiones Apostolicas attentata, & præsumpta: presentisque literas, & in eis contenta quæcumque de intentionis nostræ, vel alio quopiam defectu notari, impugnari, invalidari, retractari, rescindi, infringi, in jus vel controversiam vocari nullatenus posse, sed semper valida, firma, & efficacia fore, & esse, suosque plenarios, ac integros effectus fortiri, & obtinere, ac ab omnibus, ad quos spectat inviolabiliter observari debere; Sicque per quoscumque Judices ordinarios, & Delegates, etiam causarum Palatii Apostolici Auditores, ac Sanctæ R. E. Cardinales, etiam de Latere Legatos, sublata eis, & eorum cuilibet

quavis aliter judicandi, & interpretandi facultate, & auctoritate, ubique judicari, & definiri debere; ac irritum, & inane si secus super his à quocumque quavis auctoritate scienter, vel ignoranter contigerit attentari, tenore præsentium decernimus, & declaramus.

§. 5. Et nihilominus ne imposterum similia præsumantur, omnibus, & singulis Judicibus Sæcularibus etiam supremis dd. Regnorum quocumque nomine nuncupentur, cujuscumque gradus, conditionis, & prærogativæ existant, ne talia hujusmodi, aut similia adversus immunitatem, & libertatem Ecclesiasticam, etiam quocumque prætextu contra Ecclesiasticos Prælatos, Judices, & Personas, res, & bona, ac eorum Jurisdictionem, & auctoritatem, ejusque liberum exercitium quomodolibet committere, aut attentare præsumant, sub excommunicationis majoris, a qua non nisi a nobis, aut a Romano Pontifice pro tempore existente præterquam in mortis articulo absolvi possint, aliisque Ecclesiasticis sententiis, censuris, ac privationis quoruncumque Beneficiorum, Pensionum, Officiorum, ac Dignitatum Ecclesiasticarum, militariumque, & Ordinum quoruncumque, perpetuæque inhabilitatis tam quoad ipsos delinquentes, seu contumaces, quam quoad eorum descendentes usque ad eorum quartam generationem ad illa imposterum quomodolibet obtinendum, necnon amissionis quoruncumque Juris patronatus, privilegiorum, Indulgarum, gratiarum, concessionum, investiturarum, tam emphyteutarum, quam feudaliarum eidem delinquentibus, seu contumacibus, suisque, ut præfertur, usque ad quartum gradum descendentibus quocumque titulo Apostolico, aut alio Ecclesiastico quomodolibet nunc, & pro tempore competens, & acquirere. pœnis ipso facto absque ulla declaratione incurrere. Interdicimus, & prohibemus: in contrarium factis non obstantibus quibuscumque.

§. 6. Quorum omnium, & singulorum tenorem, etiam de illis specialis, specifica, expressa, & individua, non autem per clausulas generales idem importantes, mentio habenda, seu quavis alia exquisita forma ad hoc servanda foret, presentibus pro plene, & sufficienter expressis, & ad verbum insertis haberi volumus, aut si prædictis, vel quibusvis aliis personis ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto hujusmodi mentionem.

§. 7. Volumus autem, quod præsentibus literis, seu illarum exempla manu alicujus Notarii publici subscripta, & sigillo alicujus personæ in dignitate Ecclesiastica constitutæ munita, & ad valvas Ecclesiæ Ulyssiponen. affixa ita omnes ardeant, & afficiant, ac si unicuique intimata fuissent.

Dat. Romæ, apud S. Mariam Majorè, sub Annulo Piscatoris, die 20. Junii 1675. Pontificatus Nostri Anno secundo.

V. Theat.

§. 8. Nunc autem nos præmissa omnia, & singula a memorato Urbano prædecessore decreta, & ordinata perpetuo, atque inviolabiliter observari cupientes, motu simili, non ad cujusquam nobis super hoc oblatæ petitionis instantiam, sed ex certa scientia, & matura deliberatione nostris, atque Apostolicæ potestatis plenitudine præinsertas Urbani prædecessoris literas cum omnibus, & singulis in eis contentis, & expressis, tenore presentium perpetuo confirmamus, & innovamus, ac approbamus, illisque inviolabilis, & irrefragabilis Apostolicæ firmitatis vim, robur, & efficaciam adjungimus.

§. 9. Decernentes eadem præsentibus literas, & in eis contenta quæcumque, etiam ex eo, quod quicquid in præmissis interesse habentes, seu habere quomodolibet prætendentes, cujuscumque status,

Pontifex dict. Urbani VIII. literas, & omnia in eis contenta confirmat, & innovat.

Mandat præsentibus literas ex nullo capite, nulloque prætextu posse impugnari.

gratus, ordinis, præminentia, & dignitatis existant, aliæ quilibet etiam specifica, & individua mentione, & expressione digni, illis non consentiant, nec ad ea vocati, citati, & auditi, neque Causa propter quas præsentem emanarint, adductæ, specificatæ, & justificatæ fuerint, aut ex alia quacumque, etiam quantumvis juridica, & privilegiata causa, colore, prætextu, & capite etiam in corpore Juris clauso, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensu, aliæ quolibet etiam quantumvis magno, & substantiali, aut individua expressionem requirente defectu notari, impugnari, infringi, retractari, ad viam, seu terminos Juris reduci, aut in controversiam vocari, seu adversus illas aperiitionis oris, restitutionis in integrum, aliudve quodcumque juris, vel facti, vel gratiæ remedium intentari, vel impetrari, aut etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se jvare ullo modo posse, sed ipsas præsentem, & præinsertas literas semper, & perpetuo firmas, validas, & efficaces existere, & fore, suoque plenarios, & integros effectus sortiri, & obtinere; ac ab illis ad quos spectat, & pro tempore quodcumque spectabit, inviolabiliter, & inconcussè in omnibus, & per omnia observari, & adimpleri: Sicque, & non aliter in præmissis per quoscumque Judices Ordinarios, & Delegates etiam Causarum Palatii Apostolici Auditores, & S. R. E. Cardinales, etiam de Latere Legatos, & Apostolicæ Sedis Nuncios, aliosve quoslibet quacumque præminentia, & potestate fungentes, & functiones, sublata eis, & eorum cuilibet quavis aliter judicandi, & interpretandi facultate, & auctoritate, judicari, & diffiniri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Decretum irritans.

Omnia obstantia præter expressa in dd. literis Urbani VIII. commemorata.

Eis specialiter, & amplissime derogat.

Transumptorum fides.

Affixio dd. literarum ad valvas Ecclesiæ Ulyssiponen. arctat omnes, ac si unicuique fuissent intimata.

§. 10. Non obstantibus omnibus, & singulis illis, quæ in præinsertis Urbani prædecessoris literis decreta sunt non obstat, nec non quibusvis etiam juramento, confirmatione Apostolica, vel quavis firmitate alia roboratis statutis, usibus, & consuetudinibus etiam immemorabilibus, Privilegiis quoque Indultis, & literis apostolicis, sub quibuscumque verborum tenoribus, & formis, ac cum quibus etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in contrarium præmissorum in genere, vel in specie, aut alias quomodolibet concessis, approbatis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi acti de verbo ad verbum, nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis, ac insertis habentes, illis aliis in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 11. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in Judicio, vel extra illud habeatur, quæ haberetur ipsis præsentibus, si forent exhibitæ, vel ostensæ; utque pariter ipsæ præsentem literæ, seu earum transumpta, vel exempla hujusmodi ad valvas dictæ Ecclesiæ Ulyssiponen. affixæ, seu affixæ ita omnes arctent, & afficiant, ac unicuique personaliter intimatæ, seu intimatæ fuissent.

Datum Romæ apud S. Mariam Majorem sub Annulo Piscatoris die 12. Novemb. 1672, Pontificatus nostri Anno tertio.

I. G. Slufus.

Registrata in Secretar. Brevium in lib. 3. fol. 160.

Varia Provisions Pauli V. Gregorii XV., & Urbani VIII. ad consulendum indemnitati Notariorum Auditoris Camera cum erectione centum, & undecim Officiorum vacabilium Militum Piorum quas hic Pontifex refert, & innovat, cum erectione aliorum quinquaginta quatuor similium Officiorum.

XXXIII.

CLEMENS EPISCOPUS,

Servus Servorum Dei. Ad perpetuam rei memoriam.

Romanus Pontifex in supremo Dignitatis Apostolica culmine Divina disponente Clementia constitutus, illud in primis paternis, & in nullo intermissis studiis curare, & excogitare consuevit, ut nimirum suis, & futuris temporibus non solum Camera, & Sedis Apostolicæ Officialium potissime pro tempore existentis Auditoris ejusdem Camera Notariorum quantum potest obviaret, immo vero illorum utilitati, & commodis prospere consulatur, prout rerum, & temporum qualitatibus debite pensatis, conspicit in Domino salubriter expedire.

Exordium pro commodo & utilitate Notariorum Auditoris Camera.

§. 1. Alias per fel. rec. Paulum PP. V. prædecessorem nostrum accepto, quod Collegium Notariorum Causarum Curie Camera Apostolicæ Generalis Auditoris, seu saltem major pars eorundem Notariorum, Officia, seu eorundem titulum alienis pecuniis emerant, & acquisiverant, & exinde Notarii ipsi gravibus inter usurus gravati erant, & licet ipsi ratione officiorum suorum hujusmodi plura, & diversa emolumenta ab ipsis Officiis dependentia, & præcipue ex Massa communi, quæ juxta ejusdem Collegii Constitutiones ex collectione, seu contributione certæ portionis emolumentorum ex universis expeditionibus, quæ in singulis ejusdem Collegii Officiis, ac Tribunali dicti Auditoris expediri consueverunt, provenientium ex quot annis ad summam septem millium, & octingentorum scutorum monetæ ascendentium componebatur, & ex qua detractis quibusdam oneribus tunc expressis eidem Collegio quotannis summa quatuor millium, & quadringentorum, & sexaginta trium scutorum similium inter singulos ejusdem Collegii Notarios æquis portionibus repartienda, & distribuenda remanere solita erat, haberent, ac propterea ex residuis aliorum Officiorum suorum emolumentorum, quæ in ipsa Communi massa minime conferebantur, sed penes eorum singulos remanebant, aliam duodecim millium scutorum parium summam, vel circa aliunde ex quibusdam aliis expeditionibus in eorum singulorum Officiis expedire solitis perciperent; ipsi nihilominus ex interusuris, & aliis oneribus, quæ dictis ratione suorum Officiorum hujusmodi tribui tenebantur ab are alieno per eorum singulos contracto eximi, & liberari non poterant, immo potius eo crescente Officia præfata in grave eorum, familiarumque suarum detrimentum dimittere cogebantur.

Paulus V. refert eo tunc Collegium Notariorum Auditoris Cam., seu majorem eorum partem esse are alieno gravatam, prout in rub.

§. 2. Idem prædecessor hinc rationibus adductus, ac eorundem Notariorum indemnitati consulere volens motu suo proprio centum officia Militum Piorum vendibilia, atque resignabilia, ac ad instar aliorum Officiorum Collegii Militum Piorum hujusmodi antea erectorum, & institutorum ad beneficium, utilitatem, & commodum præfate Camera perpetuo vacabilia ejusdem naturæ, speciei, essentia, & qualitatis, quorum antiqua Militum

Ad consulendum indemnitati dd. Notariorum erigit 100. Officia Militum Piorum.

Piorum